



Inatsisartuni ilaasortaq Sofia Geisler, Inuit Ataqtigiit
/maani

Qaqortumi mittarfissaq pillugu § 37 naapertorlugu apeqquteqaammut 2019-162- imut akissut

08-04-2019
Suliaq nr.: 2019 - 8610
Id nr. 40043677

Asasara Sofia Geisler

Inatsisartut suleriaasianni § 37 naapertorlugu Qaqortumi mittarfissaq pillugu Naalakkersuisunut apeqquteqaateqarputit. Apeqqutitit uannit akineqartussanngorlugit innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlugit.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqutinut akissuteqarnissamut Kalaallit Airports A/S paasissutissanik pissarsiffiginiarneqarput.

Apeqqut 1. Naalakkersuisut ilisimatitsissutigisinnaavaat Qaqortup eqqaani mittarfiliornissaq sioqqullugu silaannaap nikerarnera qanoq ittuunersoq pillugu timmisartorluni misileraanerit pilersaarutigineqarnersut?

Akissut: Kalaallit Airports A/S ilisimatitsivoq: *"Naagga, Qaqortup eqqaani silaannaap aalaruluttarnera misissuiffiginiarlugu timmisartorluni misileraasoqassanngilaq."*

Tassunga allamik ilassutissaqanngilanga.

Apeqqut 2. Apeqqummut 1-mut angeraanni: Misileraalluni timmisartornerit qaqugu ingerlanneqassappat?

Akissut: Apeqqut 1-imut akissut takuuk.

Apeqqut 3. Apeqqummut 1-mut naaggaaraanni: Misileraalluni timmisartornerit ingerlanneqannginnissaannut suna patsisaava?

Akissut: Kalaallit Airports A/S ilisimatitsivoq: *"2018-imi silaannaap aalaruluttarneranik nalunaarsuiniarluni Flight Test Programme-mik taaguutilik pilersinneqarpoq, aammalu timmisartoq Dash-8 aquttuisalu Nuuk aallaavigalugu, Qaqortup eqqaani immikkut illuinnartumik silap pissusaa pitsaatinnagu mittarfiup inissisimaffissaata qulaattarnissaanut, Kalaallit Airports A/S Air Greenlandimut attartornissamik isumaqatigiissuteqarpoq. Kisiannili isumaqatigiissutip 2018/2019-imi ukiup nikinnerata naannginnerani timmisartornissaq iluatsinneqanngitsoorpoq, piffissami tassani timmisartoq atorineqanngitsoq, inuttat sulinnigitsut silallu pissusaa immikkorluinnaq ittumik pitsaanngitsoq ataatsikkut pinngitsoormata. Tamatumunnga taarsiullugu Kalaallit Airports A/S nutaanik aqqutissarsiorluni ilaatigut malussarissaatit atortorissaartut atorlugit nunamiit silaannaap aalarulunneranik uuttortaavoq. Taamaattumik misileraalluni timmisartornissamik pisariaqartitsisoqarunnaartoq naliliisoqarpoq."*

Tassunga allamik ilassutissaqanngilanga.

Apequt 4. Apeqummut pineqartumut tunngasunik paasissutissanik allanik Naalackersuisut peqarpat / tigummiarpat?

Akissut: Kalaallit Airports A/S ilisimatitsivoq: *"Qaqortup mittarfissaani nunami ilusilersuinerit assersuiffiillu pillugit suliap ilaanut akuersissummi 2017-imeersumi silaannaap aalaruluttarneranik alapernaarsuummik ikkussisoqassasoq piumasarineqarpoq. Suliami tassani Kalaallit Airports A/S-ip suliffeqarfik Force Technology, siornatigut Sisimiuni aamma Vagarip Mittarfiani Savalimmiuniittumi assingusunik atortulersuisimasoq attartorpa."*

Tassunga allamik ilassutissaqanngilanga.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Karl Frederik Danielsen